

四庫全書

史部

欽定四庫全書

八旬萬壽盛典卷七十

恩賚

九年

恩科一

臣等欽惟我

皇上元化陶甄羣倫普被

教育五十餘年之久天下士子蒸蒸向風莫不思敦實

學勵真材以副

聖天子籲俊旁求之德意自

龍飛首祚肇舉丙辰科鄉會試越壬申庚辰庚寅己亥  
皆以

國慶之年疊開

恩榜茲逢

奎壽膺禧預

宣綸綉載舉特科

有道亨期

作人盛治於斯為至仰惟

聖澤涵濡屢廣登進之途以振興士類前者

欽定文武兩闈

賜宴樂章殷然

屬望於棧樸之英干城之選葉叶慶以得人是以後髦  
蔚起士氣奮揚比年來玉闕之遙亦登解額者齡  
之衆羣切觀光斯

鴻鈞之鼓物於不自知而實際會之所未嘗觀者也臣  
等或身蒙

任使或快覩遭逢竊謂自漢制賢良孝廉諸科剛毅勇  
猛諸選以來取士之盛無如

今日育才之盛亦無如我

皇上者易曰聖人久于其道而天下化成又曰拔茅茹  
以其彙征吉夫孰非

恩數多士炳耀無窮之茂軌也歟

皇上以八旬萬壽

詔開恩科於乾隆五十四年秋舉行鄉試五十五年春

舉行會試以光作人鉅典

乾隆五十二年十月初一日奉

上諭前據王公大臣及直省督撫大吏等以乾隆五十五年朕八旬慶節請舉行萬壽慶典朕以內外臣工等臚歡祝嘏出自積誠是以降旨允行朕臨御五十餘年壽躋上壽五世一堂篤慶錫光歡騰率土宜沛特恩用光鉅典除恩詔條款屆期頒發外所有下屆鄉會試正科著于五十三年八月五十四年三月預先

舉行五十四年秋舉行恩科鄉試五十五年春舉行恩科會試以示朕樂育敷恩壽世作人至意

五十四年己酉

萬壽科鄉試禮部按道里遠近先期密題請差主考皇上以次遣官分典試事中式如額

禮部題奉

欽點兵部尚書孫士毅工部右侍郎鄒奕孝內閣學士兼禮部侍郎圖敏為順天主考官取中舉人二百

三十二名副榜四十一名內閣學士兼禮部侍郎  
胡高望吏部考功司主事賀賢志為江南主考官  
取中舉人一百十四名副榜二十二名大理寺卿  
趙佑翰林院編修錢樾為江西主考官取中舉人  
九十四名副榜十八名禮部侍郎竇光鼐翰林院  
編修程昌期為浙江主考官取中舉人九十四名  
副榜十八名翰林院侍讀陳嗣龍工部都水司主  
事劉青照為福建主考官取中舉人八十五名副



榜十七名翰林院修撰史致光吏部文選司員外  
郎恭泰為湖北主考官取中舉人四十七名副榜  
九名翰林院檢討徐鑑鄧再馨為湖南主考官取  
中舉人四十六名副榜九名翰林院編修裴謙陳  
萬全為河南主考官取中舉人七十一名副榜十  
三名戶科掌印給事中馮應榴戶部廣西司主事  
陳廷慶為山東主考官取中舉人六十九名副榜  
十三名翰林院編修秦承業右春坊右庶子李潢

為山西主考官取中舉人六十名副榜十二名吏  
部稽勲司郎中江濬源詹事府洗馬周興岱為陝  
西主考官取中舉人六十名副榜十二名翰林院  
編修溫汝适禮部精膳司主事劉若璪為四川主  
考官取中舉人六十名副榜十二名刑部四川司  
郎中金光悌工部都水司主事陳學穎為廣東主  
考官取中舉人七十一名副榜十四名禮部主客  
司郎中方維甸翰林院編修崔景儀為廣西主考

官取中舉人四十五名副榜九名翰林院編修馮  
集梧檢討劉錫五為雲南主考官取中舉人五十  
四名副榜十名戶部雲南司員外郎薩彬圖兵部  
武選司郎中王銳為貴州主考官取中舉人四十  
名副榜八名共中式一千四百八十名

十月

萬壽科武鄉試兵部奏請一體舉行

兵部題奉

欽點多羅儀郡王永璇多羅定郡王綿恩禮部尚書常  
青都統公阿克東阿兵部左侍郎伊齡阿戶部右  
侍郎汪承霈為順天武鄉試監射大臣翰林院侍  
讀學士平恕編修朱攸為主考官取中武舉一百  
五十一名各直省照例以總督巡撫監臨主考兩  
江總督書麟取中江蘇安徽武舉六十三名江西  
巡撫何裕城取中武舉四十四名浙江巡撫覺羅  
琅玕取中武舉五十名福建巡撫徐嗣曾取中武

舉五十名湖北巡撫惠齡取中武舉二十五名湖南巡撫浦霖取中武舉二十四名河南巡撫梁肯堂取中武舉四十七名山東巡撫覺羅長齡取中武舉四十六名山西巡撫海寧取中武舉四十名陝西巡撫覺羅巴延三取中武舉五十名陝甘總督勒保取中武舉甘肅五十名四川總督李世傑取中武舉四十名廣東巡撫郭世勳取中武舉四十四名廣西巡撫孫永清取中武舉三十名雲南巡

譚尚忠取中武舉四十二名貴州巡撫陳步瀛取  
忠武舉二十三名共中式六百六十八名

五十五年庚戌三月

萬壽科會試天下舉人於禮部

欽定知貢舉總裁同考等官并八旗直省中式額數

禮部題奉

欽點禮部右侍郎鐵保刑部左侍郎姜晟為知貢舉官  
大學士王杰吏部右侍郎朱珪工部左侍郎鄭英

孝為總裁官翰林院侍讀學士陸伯焜侍講學士  
陳崇本侍讀陳萬青詹事府洗馬周瓊左春坊左  
贊善羅修源編修俞廷樞吳錫麒甘立猷吳樹本  
邵玉清吏部稽勲司主事史國華刑部浙江司員  
外郎王奉曾工部虞衡司主事樊士鑑掌江南道  
監察御史黃瀛元河南道監察御史王春煦國子  
監助教沈維坤為同考官

三月二十七日禮部題中式額數奉

旨這會試滿洲蒙古取中三名漢軍取中一名直隸取  
中十一名奉天取中一名山東取中十名山西取中  
六名河南取中五名陝西取中二名江南取中二十  
八名浙江取中八名江西取中七名湖北取中三名  
湖南取中三名福建取中四名廣東取中三名廣西  
取中一名四川取中三名貴州取中二名雲南取中  
一名共中式一百二名

九月



萬壽科會試天下武舉

欽定知武舉監射較射總裁同考等官并八旗直省中

式額數

兵部題奉

欽點和碩嘉親王永琰多羅定郡王綿恩禮部尚書常

青戶部右侍郎慶成為監射大臣兵部尚書慶桂

劉綏兵部左侍郎趙鐸右侍郎虔禮寶為較射大

臣刑部左侍郎姜晟為知武舉官內閣學士兼禮

部侍郎翁方綱詹事府少詹事平恕為主考官刑  
科掌印給事中查善長禮科掌印給事中王鍾健  
吏部考功司郎中宋澍禮部主客司主事王瑄為  
同考官

九月十七日兵部題中式額數奉

旨這考試漢軍取中二名直隸取中七名陝西取中六  
名廣東取中五名河南取中一名山東取中四名江  
南取中二名山西取中三名湖北取中一名湖南取

中一名四川取中一名廣西取中一名福建取中一名浙江取中二名江西取中一名雲南取中一名貴州取中一名共中式四十名

四月二十一日

皇上策試天下貢士朱文翰等於

保和殿

禮部題奉

欽點大學士公阿桂大學士伯和坤吏部尚書彭元瑞

吏部左侍郎金士松禮部右侍郎鐵保署禮部左  
侍郎沈初刑部左侍郎姜晟內閣學士兼禮部侍  
郎玉保為讀卷官

是日早諸貢士赴

保和殿

殿試

皇上賜策問

奉

天承運

皇帝制曰朕祗承

大寶命仰荷

燕翼貽庥御寓久長日慎一日惟是納隍馭朽厯于子惠  
兆民上答

昊緯恩德令幸年躋八旬康強勤德未敢高自頤養抑非  
術致駐延孜孜不息久習而安用致五代逢吉四裔  
向風保赤誠求鮑俛愛戴然猶仔肩罔怠思欲持敬

宅心鑑古出治千倉藏富六計勵官而集思廣益貴  
乎周逮廼詢爾多士以佇昌言洪範九疇五福驗之  
人八徵驗之天而總原于五事之敬用故主敬者天  
人之合也尚書道政事賅帝王五代心傳萬世治要  
其中深切著明惟昌其奈何弗敬一語足蔽全書向  
曾于讀召誥篇闡厥義宗矣若夫者嬌子姒之臨其  
下禹皋伊旦之貢其君六體十例中與斯言互為發  
明者可臚舉歟易詩禮春秋可旁通歟大戴禮逸周

書管子晏子荀卿成相淮南主術亦有紬繹斯語者  
歟帝範帝學大寶丹宸二箴大學衍義養正國說或  
言主敬或不言主敬而義相印事相彰者可指述歟  
能以此揚明廷抑用資宥密也以古為鑑可知治忽  
編年之體通鑑謙不敢繼春秋而託于繼左傳其平  
生精力書局自隨同譔者何人分代者何屬採取者  
正史外何書略而為目錄析而為甲子紀年訂而為  
考異別而為稽古錄體例可數歟分而冠之以綱為

綱目盡出朱子之意歟遠而追之于古曰前紀徵引  
盡軌于正歟續當代者長編五朝九朝有全帙歟建  
炎以來朝野雜記不少約歟續後代者宋元通鑑兩  
家之作孰優歟然且紀統紀年不出至公紀事紀辭  
或嫌失實矣興存宋宣光黜元黃帝國畫萬區后啟  
鼎鑄九賦釋兵權者說奇謀孰晏安者夸至孝火牛  
燧象虎渡蝗遷昔備之鑑評尚無愆于春秋之義乎  
蠲貸之政惠澤攸先損上益下惠心元吉易義可繹



與昔人謂古者畫井受田故無蠲政然帝王因利利  
民周官之職左傳之文其制亦相近者與除民田租  
史昉漢文有蠲半者有蠲十之三者有免逋者有免  
酒課坊稅者有巡幸而蠲有封禪而蠲有幸舊宅而  
蠲有軍所過而蠲有優聖人林廟而蠲皆能指其年  
代稽其事實與寬緩之令宋人謂之倚閣或且迫于  
私衷累于破限甚至有黃紙放白紙收者當時章奏  
劄陳之能言其弊與至於放民租而以內庫撥還非

示人私歟因免賦而及私債不擾民歟朕課晴問雨  
為民亟三時布閭敷醴為民謀四輔自乾隆五十年  
以前蠲貸已二千萬萬積歲有加焉本年以大慶普  
蠲天下錢糧三年而徧興裕盈寧而廣和樂民力其  
有紓歟奉行其盡善歟多士自田間來盡讜陳之善  
為政者安民必先察吏堯典重乎允厘舜歌戒其叢  
隞其要在先事後食勿欺而已周官太宰受其會正  
其治聽其政事歲月日皆有期會能詳之歟三載考

績三考黜陟幽明又有十二年之巡狩大明黜陟立法之意可徵諸說經家歟唐考流外官四等宋考百官三等皆以勤為上能列其目歟城隍修理為二十七最之一竊盜十一而得十為中考能舉其故事歟官箴百官箴之所規政經之所尚斷章可取歟戒石本有全辭節鐫公庭何時所頒發歟朕耄念殷求出則秉燭待章居則宵衣鮮寐以盡負宸之職孟水方圓之謂何何猶有延玩庇飾者率作興事慎憲省成

法猶未盡良歟凡此立敬則不惑法古則不愆孚惠  
則不屯其膏莅勤則不懈于位書之簡策為治譜庀  
之朝夕為躬行予曷敢不暨其孰敢勿覆上下交修  
予一人藉報

帝載鴻貺之隆爾萬方更勝公堂兕觥之祝家修廷獻明  
道敷言毋諱毋膚朕將親蒞焉

二十五日

皇上御太和殿

賜諸貢士等進士及第出身有差

是日早讀卷等官并諸王以下文武百官各具朝服赴

太和殿前侍立禮部官捧黃榜置于

丹陛正中黃案上鴻臚寺官傳

制唱名

奉

天承運

皇帝制曰乾隆五十五年四月二十一日策試天下貢士朱文翰等一百二名第一甲賜進士及第第二甲賜進士出身第三甲賜同進士出身故茲誥示

十月十六日

皇上策試天下武舉魏廷魁等於

太和殿

兵部題奉

欽點吏部尚書彭元瑞禮部右侍郎鐵保都察院副都

御史陸錫熊詹事府詹事伯麟為讀卷官

是日早諸武舉赴

太和殿

殿試

皇帝賜策問

奉

天承運

皇帝制曰朕撫御寰宇五十有五年先幾克詰奄致救

寧遠服嚮風靈臺偃伯惟是簡蒐訓整誠豫謀成不  
敢以無事而去兵致啟恬嬉之漸凡稽查靡冒綏靖  
海隅申嚴警衛者皆宜講求之裕國家軍制磐石八  
旗有勇知方度越前代而健銳火器兩營屢成大凱  
實為得力惟綠營虛額占差名糧殊為積弊近已給  
武弁養廉釐兵丁實額矣夫兵法最重虛實臨事之  
虛實在情形平時之虛實在訓練有額無兵與無額  
同有兵不練與虛額同宜何如而使實額皆成實用



古今通纂卷之十一  
與古疆域以海為界今則海表多入與圖商舶興販  
往來生計攸繫重洋寧帖所以裕生民也顧盜案時  
聞聚匪宜飭于是有更制海船之議既以輕剽未可  
舉行又有搜島焚蔡之說則未利民而先厲民更為  
未善夫沙嶼非盡可耕聚居必資口食禁米出洋舊  
有成例或奉行嚴密即可渙其羣與禁鰓安良譏察  
出入居者以保甲行者以口票船照法禁明矣顧違  
禁貨物或有透漏出疆私越舊渡者公行而兵以為

奸弁以為利且有逃人積匪至十數年而若罔聞知者遇事整飭自宜猛知懲戒矣將何如而使悉知盡心盡力俾莠稂除而肥我善稼歟此皆我政常行不容稍有懈弛者多士如有所見其縷陳之毋浮毋隱朕將親覽焉

十八日

皇上御紫光閣較射十九日復

御紫光閣

親試技勇

二十日

賜諸武舉等進士及第出身有差

是日早讀卷等官并諸王以下文武百官各具朝服赴

太和殿前侍立兵部官捧黃榜置於


丹陛正中黃案上鴻臚寺官傳

制唱名

奉

天承運

皇帝制曰乾隆五十五年十月十六日策試天下武舉  
魏廷魁等四十一名第一甲賜武進士及第第二甲  
賜武進士出身第三甲賜同武進士出身故茲誥示





欽定四庫全書

史部

欽定八旬萬壽盛典卷七十二

詳校官編修臣潘紹經

欽定四庫全書

八旬萬壽盛典卷七十一

恩賚

十年

恩科二

直省督撫奏以

八旬萬壽開科士子籲請陳謝

直隸總督臣劉我等謹

題為

聖主壽考作人多士欣逢曠典公籲代謝

天恩事據直隸闔省舉人貢監生員邱三祝裴聯璧王  
有齡戴介眉李延康等呈稱欽惟我

皇上

學紹唐虞

壽齊軒轅

博厚高明悠久本中庸不息之誠

剛健篤實輝光著大易日新之德南極應象拱

御宿於三垣



北極徵祥位斗魁於七曲

崇儒重道文運正如日方中興賢育才

教澤逮普天之下首善蒙庥於畿輔習業則春誦夏絃

上庠詠化於興桓譽髦則菁莪芄樸躬逢

盛世預啓特科咸欣頌晉

萬年傳

玉音於

帝陛佇見輝騰五色題金榜於天門握槩肩摩快觀光

於棘院焚香頂祝亟奮志於芸窓仰祈

題謝代達下情到臣欽惟我

皇上

至治崇文

大德得壽

化數時雨育詩書禮樂之英

道洽同風興庠序學校之教屢廣科名之定額慈榜邀

榮

六開鄉會之特科

椿齡茂慶金臺選駿三千空異野之羣北海搏鵬九萬  
振滄溟之翮從此人文蔚起占際會於風雲徧聞  
多士懽聲歌

升恒之日月今據士子感激真誠籲謝  
天恩臣不敢壅於

上聞謹會同順天學政臣金士松恭疏具  
題伏乞

皇上睿鑒施行

兩江總督臣書麟等謹

題為

萬壽開科多士臚慶欣逢茂典代謝

天恩事據江蘓安慶兩省舉人貢監生員任鳴盛徐晉  
福褚文昌顧椿年潘慶齡等呈稱欽惟我

皇上

嘏備純常

化成久道

大德必壽得位得祿得名

皇極之言是彛是行是訓河清海晏正芑符啓闕之期  
璧合珠聯覩雲漢為章之景前此

六巡嘉惠

賜舉偕廣額以俱行今茲

八袞敷恩

特榜隨正科而迭試地處斗牛之野祥光煜燭以騰霄

天開奎壁之躔瑞彩熒煌而照宇

文宗文匯繡縹帙而鸞翔江北江南莘青袍而鵠跼  
固已人淳

化育士樂

甄陶處膠序而各勉澤躬誦詩書而咸思勸學欣逢  
耄齡介景更慶髦士攸宜

萬年特科六啓

宣綸雲陛歡切於夏絃春誦之傳握管風簷異預于東

箭南金之選仰

作人於

壽世宏造士於制科忤溢儒林祝延

聖算懇請據情題

謝等情到臣欽惟我

皇上

乾元廣大

泰運光亨

鄧治同文栽培切因材之篤

洪鈞鼓物陶鎔歸就範之模惟三吳六皖之生才夙稱  
淵藪繼秋實春華而擷秀羣萃菁英茲際

福演箕疇協俊民用章之吉

恩開蕊榜著人文成化之庠鄉校集試於白門佇華嵩  
庶叨之奏禮闈載登於黃甲起梧桐鳳翽之音益  
仰

盛世文明莫罄下情鼓舞理合會同江蘇學政臣沈



初安徽學政臣秦潮具疏代

題恭謝

天恩伏乞

皇上睿鑒施行

江西巡撫臣何裕城等謹

題為

慶榜壘覃光昭

文治代興悃恭謝

天恩事據江西闔省舉人貢監生員陳上理茅連茹周  
榮恩謝天壽等呈稱欽惟我

皇上

恩煥絲綸

道光經緯

皇極五福衍如疇敷訓之言

壽考萬年溥錫京作人之化

聖勤念典

帝王學本異於儒生士快彙征吉人多惟媚於  
天子伊牛斗分西江之野倬漢騰輝矧角亢依  
南極之躔占星應瑞拜重申之

巽命六啓

特科欣

八袞之履祥載推

渥澤秋風槐苑偕來應舉之忙春日杏林共羨題名之

喜樂承

教育恪奉清真雅正之宗同慶舒長更仰

剛健文明之德莫名葵悃敬頌

椿禧等情到臣欽惟我

皇上

德同天運

壽並日升

篤物因材萬彙沐栽培之澤

觀文成化四表蒙格被之庥富中秘之藏書

汲古編經史子集廣上庠而論秀

敷教暨南朔東西固已作

君作

師集大成於羣聖乃猶選士造士宏

樂育於多才茲者先五十二年而布

恩綸次二十四科而開

慶榜六逢增試位恰應夫戴匡

九如祝釐慶交騰於獻筭虞門額俊聿揚

有道之庥

軒英迎祥願上無疆之頌據呈士子感激真誠謹會同

學政

臣

翁方綱恭疏具

題代謝

天恩伏乞

皇上睿鑒施行

浙江巡撫

臣

覺羅琅玕等謹

題為

聖壽敷恩多士稱慶公籲代

題以伸謝悃事據浙江闔省舉人貢監生員沈咸寧  
戴福基許奎吳藻甲等呈稱欽惟我

皇上

治洽純仁

德臻綏壽

乾元合撰法天健以自彊

泰寓均禧觀人文而成化夙夜基命

學緝熙於光明彞訓敷言

皇建極而斂錫普羣倫之蒸被

教澤頻加廣庶類之

栽培人才尤厯矧

天施雨露渥中外之恩膏而地美湖山備東南之材產

文瀾建閣縹囊分四庫之儲

翠輦省方青衿迂

六巡之慶茲以



洪延曼壽協升恒日月之符益惟

樂育英才闡際會風雲之盛聯科並試正學易學禮以

輪經

特榜重開增為春為秋而祝事品慙東箭希入彀以程

材祥企

南弧映戴匡而耀彩所有欣感下忱呈請

題謝等情到臣欽惟我

皇上

學筦道樞

仁敷壽寓

奎文炳耀探軒圖堯鏡之微

聖教昭垂啓孔思周情之秘人材就範荷陶鑄於

洪鈞士類含英煦陽和於

大造歲舉興賢之典萃杏華桂粟以揚馨

恩加顧俊之科合華祝嵩呼而增慶茲

八旬之介祉日重光而月重輪俾兩試之掄才千人俊

而萬人傑輝騰珠榜佇蒐越產之奇珍喜聽

綸音益洽康衢之軒舞掾呈輿悃代達

宸聰謹會同學政臣朱珪恭疏具

題伏乞

皇上睿鑒施行

福建巡撫臣徐嗣曾等謹

題為

聖主福敷建極

壽世恩重作人公額代伸謝悃事據福建闔省舉人貢  
監生員曹有年詹吉士應丹詔賀長庚等合詞呈  
稱欽惟我

皇上

心法一中

躬膺萬福

文明久照光同日月之行

景命常新揆應天人之合

堂開五代兼得位得祿得名得壽之隆莫衍

八旬致用成用明用章用康之治廼以

國家掄才之典烝髦士而攸宜預於寰瀛稱祝之年

藹吉人而有

慶映仙霞於五色欣聯

南斗珠躔接神嶠於三山爭覩大羅慈榜覬羣材之入

穀得路

天衢願

介景之添籌臚歡

雲陞為此聯名呈懇伏祈代謝

天恩等情到臣欽惟我

皇上

昊紀凝祥

軒齡協瑞

慶敷垓極正同文與同倫

教洽絃埏肆有德而有造介萬年於

八表瑞牒重新增兩試於一科

溫綸特沛春風時雨沾

化育之深仁景星慶雲耀文昌之佳氣從此茅茹叶吉

孚易象之彙征棧樸興賢誦雅詩之

壽考謹會同福建學政臣陸錫熊具疏代

題恭謝

天恩伏乞

皇上睿鑒施行

湖北巡撫臣惠齡等謹

題為

聖壽敷天集慶

恩科多士臚歡據情恭謝

皇仁事據湖北闔省舉人貢監生員沈聯光龍門鯉陳  
錦文喬登秩洪國榜等呈稱欽惟我

皇上

福茂升恒



勲崇巍煥

聖由天縱著博厚高明悠久之徵

學本日新闡剛健篤實輝光之德

君師統備布寵綏於四方庠序

恩敷溥哉成於多士欣遇

萬年衍慶呈星迴雲縵之祥更增兩試程材沛江深漢

廣之澤

綸綍預宣於北闕昭顓俊以旁求章縫志喜於南邦卜

觀光而利用惟有敦禮樂詩書之選振奮漸達算  
京垓億秭之年祝延

鼎錄謹呈公籲乞謝

天恩等情到臣欽惟我

皇上

道洽時雍

壽徵初祐

泰階勰序覘玉燭以常調

奎藻騰輝映瑤樞而增朗千百國人才蔚起同文同倫  
億萬年景祚延洪有章有慶茲以

椿齡之八袞

特開蕊榜於六科人樂由庚學覘探禹貢荊州之域朝

宗共滙夫

恩波堯封華祝之人獻頌同殷於拊舞據呈欣感輿情

謹會同學政臣吳省蘭具疏恭謝

天恩伏乞

皇上睿鑒施行

湖南巡撫臣浦霖等謹

題為

聖壽延洪

恩科覃慶欣逢

作人雅化代陳欣感輿情事擬湖南闔省舉人貢監生

員唐鴻禧李如璧賀景運陳壽圖等呈稱欽惟我

皇上

德寓鴻龐

壽祺引翼

元苞蘊祉疇圖徵五福之祥

泰運叶期神笑衍萬年之紀仰範圍於

至化成天地自然之文抒黼藻於太平光書契以來之

治譽髦斯士周詩詠棧模作人觀國用賓易象占

茅茹暈吉欣際

介齡衍慶瑞牒增新重邀鉅典興賢

恩綸先沛杏葩桂粟佇慈榜以聯芳沅芷湘蘭愧楚材  
之萃秀惟有

北辰星拱長瞻五緯之躔南嶽雲翔同効三呼之祝等  
情到臣欽惟我

皇上

化決乾樞

福凝鼎祚

億齡行盛昭景運於天中寰宇登春空鴻熙於下土四

民首士育黨庠膠序之英三物興賢崇禮樂詩書  
之澤延者

壽壽晉祝欣展慶於萬八千年

恩勝作人快觀光於一十六省丙丁應位現瑞彩以綢  
緼甲乙增科叶文明之炳蔚佇雲蒸集於多士歡  
呼騰嶽麓之間願川至備於

九如喜氣溢湖湘之表茲據士子公呈感忭真情理合  
會同學政臣張姚成具疏謹

題恭謝

天恩伏乞

皇上睿鑒施行

河南巡撫臣梁肯堂等謹

題為

壽宇延禧

恩綸增試懽臚多士懇達輿情事據河南闔省舉人貢  
監生員戴錫綸陳嵩峻卜文蔚祝大同等呈稱欽



惟我

皇上

化洽調元

福基敬德

義圖呈瑞衍五元十壽之貞符

姬籙延祥協辰武寅文之中數前遇

稀齡介景雖稱祝以未逾曾邀

特榜增科屢登材於極盛茲奉五十二年之

宣詔預申

八旬萬壽之

覃恩鄉會並掄春秋遞舉惟下士沐

甄陶之澤德行藝砥礪交加矧中州生文物之邦富庶

教漸摩已久欣聞

異命願依奎聚之光虔頌

恒釐益切嵩呼之祝謹臚衆悃冀達

宸聰等情到臣欽惟我

皇上

頤壽敦仁

崇儒迪教

澤敷寰海周澗瀍左右以同流

瑞靄中天先太少東西而告慶十次荷

恩綸之錫

大賚攸行

八旬逢寶筭之添

特科預啓霓裳集詠探秋風桂闕之聲雁塔題名馳春  
日杏園之駿觀

熙朝之茂典髦士臚懽增

壽宇之洪庥臣鄰共忭據呈公籲理合代

題謹會同學政臣劉種之具疏恭謝

天恩伏乞

皇上睿鑒施行

山東巡撫臣長麟等謹

題為欽奉

恩綸疊開

慶榜揀情陳謝仰祈

睿鑒事據山東闔省舉人貢監生員劉錫祉朱青選張  
奎祥賀增壽等呈稱欽惟我

皇上

泰運洽熙

福徵保錫

本道統為治統允執厥中

觀天文及人文化成在下

省方至岱宗之巖同律度量衡

希聖登闕里之堂瞻車服禮器萃文物聲明之盛梯嶂

航瀛陳

壽富康寧之疇圖河拜維海隅日出咸欽率俾之庶雲

倬天章共睹昭回之景爰以

八旬之慶寶籙增書欣茲

六度之恩珠宮開榜從此家絃戶誦勸學承鄆魯之遺  
允惟論秀書升造士流豐鎬之澤所有忭感微衷  
仰冀據情上達等因到臣欽惟我

皇上

治紹唐虞

道源洙泗

貞符啓運肇萬八千歲之皇春

德蘊敷文貫五三六經之聖學

範圍天下金受礪而泥受鈞

照臨日中雲兮縵而旦兮復恭遇

春禧茂奠晉軒籙以長生

特增慈榜興賢軼周官之大比蓬萊有路山川呈海岱  
之祥棧樸作人文章倬雲漢之盛今據士子呈請

代謝

天恩謹會同學政臣劉權之恭疏具

題伏乞



皇上睿鑒施行

山西巡撫臣海寧等謹

題為恭謝

萬壽開科敬陳多士興悃事據山西闔省舉人貢監生  
員成字寧王會圖呂青雲常錫嘏等呈稱欽惟我

皇上

文德光亨

貞符曼美

宸居太乙巍巍共北之尊

壽曜後庚煜煜自西之彩五迓臺懷

巡輦羣稱無量以恒春

八徵箕範演疇備叶大同而逢吉茲遇

慶辰茂介臚敷天獻祝之誠預聞

恩命誕敷洽多士觀光之喜懷才就試虛車敢飾乎輪

轅命中決科省括期準乎正鵠荷

綸音而鼓舞寒儒之上進彌殷祝

寶表以洪延

溫詔之重申有慶敬呈頌悃伏懇代

題等情到臣欽惟我

皇上

命敕時幾

德崇日進

文思稽古闡堯廷光被之勲

壽考作人廣周室譽髦之澤廿四科迭開貢舉重以

恩榜之頻敷十六省茂選儒英逢茲

介齡之增慶春鄉秋會徵人文蔚起之庠

日升月恒協天保戩穀之頌忭兩河之士子懷鉛勵志

於兩闡聽三晉之謳歌酌筭臚愉於

三祝據呈感謝前來謹會同學政臣鄭際唐具疏代

題恭謝

天恩伏乞

皇上睿鑒施行

陝甘總督臣勒保等謹

題為欣逢

壽世恩科儒林慶溢公巔陳謝

天恩事擬陝西甘肅兩省舉人貢監生員高聯甲紀先  
登姚重光文拱壽等呈稱欽惟我

皇上

德備福基

道光文治

苞元啓運天經地緯之為昭

戩穀協宜日升月恒之有慶

孚惠心於垓極九有蒙庥

沛雅化於膠黌三升論秀惟學校廣儲才之地  
聲教遠訖於玉門矧科名闢登俊之途

恩命覃敷於

金闕士崇經術集兩省之儒衿人奮亨衢荷

萬年之慶勝從此

南弧壽宿聯五緯於奎驪即今西嶽華山効三呼於  
嵩祝莫名忻躍異達謝悰等因到臣欽惟我

皇上

玉宸調元

瑶籌錫羨

大德位祿名壽備保右申命之庥

至誠博厚高明著悠久成物之驗

勤求郅治厯所其無逸之箴

茂育英才興樂且有儀之頌固已

鴻暉匝宇澤普被於羣倫

藻黼依光歡徧騰于多士者矣茲屆

八旬曼壽之昌辰爰敷六度

恩科之異數圖書輯瑞衍如疇錫福之徵鐘鼓振聲軼  
鎬雍作人之化喜見科聯甲乙翔雲路以同登更

占輝映丙丁企

星階而獻祝據呈忭感下情謹會同陝甘學政臣邱庭



隆恭疏代謝

天恩伏乞

皇上睿鑒施行

四川總督臣李世傑謹

題為恭逢

萬壽加科籲請

題謝

天恩事據四川闔省舉人貢監生員高承恩啟文選謹

昌緒陳慶年等呈稱欽惟我

皇上

蕃祉茂膺

洪慈廣被紀元五位探策而行

億齡敷慶八寅舉典而

俞衆籲首宣

綸綍開持榜以興賢

加惠章縫繼正科而登俊際經術昌明之會循兩試以

輪年快士風振起之時搃羣材而博選地分東井  
著有象之文明喜溢西川頌

作人之雅化謹申葵向虔祝

椿禧伏祈代達等情到臣欽惟我

皇上

德懋日履

嘏崇天錫

珠囊應瑞照臨延六幕之祥

紫綰敷恩湛濺布十行之詔萬民熙熙而樂共快登春  
多士濟濟以寧頻邀顧俊茲

慶覃於

壽寓如松柏無不爾或承先

寵賁於人文拔茅茹以其彙征吉萃蜀都之羣彥行瞻  
雲路以翱翔聽錦里之臚歡共仰

天衢而軒輦茲據各呈感頌環顧代

題到臣謹會同學政臣邵洪具疏恭謝

天恩伏乞

皇上睿鑒施行

廣東巡撫

臣

郭世勲等謹

題為

羣齡增慶髦士臚歡恭謝

恩科代申輿悃事據廣東闔省舉人貢監生員庾泰鈞  
蘇景眉馮觀育伍福疇等呈稱欽惟我

皇上

德懋健行

福徵嚮用

緝熙典學勤宥密以重

仔肩羽翼介祺備熾昌而綏

眉壽彼大同紹興至元之代莫比

景命之隆自攝提合雒禪通以來未邁

洪提之盛至夫

恩光久照皆文章禮樂之輝煌

教澤深濡徧膠序黨庠之俊彥慶臚祝

褒先增試於鄉會兩闡喜溢通褒成稱頌於  
春秋萬紀在銀瀛之下士願斟海以為樽惟  
寶籙之長生共添籌而益竿難名輿悃虔介  
脩齡謹具公呈伏乞

題謝到臣欽惟我

皇上

保合太和

康彊逢吉

堂開五代

天家增福祿之長

閣應七星海內仰文章之富凡涵和於

邛宇羣欽

仁壽之延洪矧嘉惠於菽林屢俾科名之博選廼者

八旬睿算

允壯績於羣工六啓



恩闈廣掄材於多士珠囊獻瑞遙瞻

斗北之輝珊網蒐奇爰集海南之俊聽

鴻施而九拜亘古希逢祝

鳳紀於萬年與天無極謹會同學政臣關槐據情具疏  
代

題恭謝

天恩伏乞

皇上睿鑒施行

廣西巡撫臣孫永清等謹

題為

聖壽無疆人文有慶恭陳輿悃申謝

皇仁事據廣西閩省舉人貢監生員朱純奎蔣上遴萬  
科娘龔介眉等呈稱欽惟我

皇上

治茂洽熙

德孚恭壽

右文稽古必宥密之全功

重道崇儒廣甄陶之雅化惟昇平之日久樂漸仁摩義  
以成風况作育之

恩深徧戶誦家絃而泳澤廼以五十二年之

申命聿沛新綸預開

八旬萬壽之特科重增慶榜春生桂管邊隅之嚮學彌

殷吉彙茅茹

曠典之臚驪尤切敬呈環籲冀達

宸聰等情到臣欽惟我

皇上

聖教覃敷

天恩溥被千百國之人才鼎盛合山陬海蒞以同風

億萬年之文運光亨觀霞蔚雲蒸而煥彩漆齒雕題之

輩猶欣鼓舞於鷄林懷鉛抱槧之儔更企翱翔於

鵬路茲屆

八旬而開

恩榜

曼羨延庥願合九有而獻

壽觥歡呼匝寓理合會同學政臣潘曾起恭疏具

題代謝

天恩伏乞

皇上睿鑒施行

雲南巡撫臣譚尚忠等為恭謝

萬壽恩科事據雲南闔省舉人貢監生員李時昌徐揚

達文鍾運戴聖化等呈稱欽惟我

皇上

運啓乾符

策推昊歲

睿文炳煥括典謨雅頌之精

奎府儲珍蒐甲乙丙丁之秘太平淳化轅

萬年有道之祥多士彙征廣三物興賢之典固已

仁翔義洽聲教被於荒陬咸思經明行修砥礪勤於末

學茲介

脩齡之八袞

壽在作人特開

慶勝於六科

恩先造士仰

北樞之時柄斟元氣而闡洪提騰南詔之

恩綸作人才而綏

壽愷章觀光之有路同獻祝之惟誠為此呈懇

題謝等因到臣欽惟我

皇上

黼座調元

璿籌輯慶

帝圖欽翼

仁如天而智如神人文化成仰觀象而俯觀法布醇和  
之

嘉澤四海同流登俊又於



昌辰

萬年來賀廼者

新綸載沛慶引翼而彌長

特試增科廣譽髦而胥忭滇疆萬里景聲教以風翔華  
祝

三多聽謹呼於嵩効採臚愉於下士冀仰達於

上聞謹會同學政臣汪如洋具疏恭謝

天恩伏乞

皇上睿鑒施行

貴州巡撫臣陳步瀛等謹

題為

萬壽開科普天欣戴懇請恭謝

皇仁事據貴州闔省舉人貢監生員王廷瑞聞聖謨高  
文光賀天壽等呈稱欽惟我

皇上

元化彌綸

壽祺引翼

太平緯理文運開於萬年寰宇燮諧

聲教訖於四海仰

敷言而敷福俊民用章兼

作君而作師

寵綏克相萃十六省人文之盛久崇學校以儲材居

億萬年景運之長更廣科名而增試

耄齡覃慶同申華祝之忱邊徼騰懽豈限點彊之遠遙

瞻

楓陞晉頌

椿禧等情到臣欽惟我

皇上

乾健自彊

離明久照

澤敷雨露霑湛濺於八荒

運際風雲布經綸於六合惟賓興之鉅典舉春鄉秋會

以聯科矧

誕聖之昌期徧海瀝山陬而稱慶廼播

德音於綸綍兩闡博選羣才益深勵志於章縫六度頻  
邀

嘉惠惟臚士子叶

壽胥與試之歌喜溢臣鄰切

恩大難名之戴茲掾呈請具

題前來謹會同學政臣吳壽昌繕疏恭謝

天恩伏乞

皇上睿鑒施行

右臣等編次開科盛典附以士子陳謝諸疏仰  
見我

皇上文教日隆所以昭垂鴻軌浹洽人心者縱極感  
頌微忱莫贊

高深於萬一顧竊惟

聖學淵深

御製詩文歲增月益而於經史之訂訛闡秘

睿鑒精詳刊布海內無非嘉惠藝林之至意近

命分年輪試五經俾多士務實屏浮咸勤研習又且

慎簡掄廣登選一時懷瑾握瑜之輩胥得奮志

功名沐

裁成而被昭曠是以

正壽稱慶自三雍鼓篋以逮遠方縫掖諸生莫不雲

集亨衢跼獻

卷七十一  
天子萬年之頌蓋以漸摩

教澤者深斯愛戴之誠發於心之所不容已豈特聞  
德音而誌忭歌

壽考之作人為足以竭媚茲之忱也乎是科  
特恩賜舉重宴邀

榮諸典備載於

盛事門

八旬萬壽盛典卷七十一



欽定四庫全書

八旬萬壽盛典卷七十二

恩賚

十一

本年

東巡

臣等謹案禮國有大慶及巡狩所至輒舉方望之

祀虞周之覲后朝岳尚已至夫闡釐懋賞則我

朝之上儀為尤煒裔焉

皇上受祉孔時方庚子慶

七旬即擬於

欽定四庫全書

八  
卷七十二

壽躋八袞時

升秩

岱宗

展儀

闡里兼以

省民風而厚惠施益

聖衷裕得壽之符協至誠之感詩所謂卜爾百福如幾  
如式者也乃者

禮嶽薦馨

尊師獻爵適愜

大聖人修禰著恪之夙忱而

蹕路所臨

周諮曲賚吏誌入疆之慶士揚譽髦之庥即在衿服埽  
塗皤顏樹踵靡弗優霑

湛澤駢感臚祝之彌殷於以見

獻宗之庇德生民

聖揆之植體仁壽胥由我

皇上洽神崇道有以致

馨格而

履洪庥記曰禮時為大宜次之稱次之不特金泥玉檢  
妄侈升中即魯頌宮之鸞旂從公視此猶百不逮  
一也而況

膏流畿輔

愷布瀛津

德意之所周殆遍浹於

春旗玉軟間也乎

乾隆五十五年春二月

皇上以八旬行慶載舉

東巡之典

躬祀

岱嶽

闡里如儀

乾隆五十四年十一月初一日內閣奉

上諭朕明春恭謁

兩陵巡幸山東並親詣曲阜祇謁

孔林於二月初八日啓鑾所有一應事宜著各該衙門  
照例預備

二月初八日

皇上自東華門啓鑾

御製以壽登八旬恭拜

二陵遂巡山東祭

岱宗

關里是日啓程得長句六韻

有序 庚戌

年八十耄徵篤念於箕疇歲二月東禮舉巡於舜典  
允臣民之請秋弧慶佇於稱觴承

祖

考之庥春露惕深於瞻

昂敢曰報

卷貽之厚尚久持攷疊之衷矢抱蜀之宜勤邇歲期週  
中祀矧升香之可即順塗便詣靈區維

嶽宗司萬物之發生而

聖揆實百王之師表於焉修禮陋遷書封礪之夸足以  
體仁驗魯論樂山之壽登福臚於濟水程印前言駐  
日馭於瀛津巡經隔歲撫齊甸豐盈之豫臚羣熬瞻  
就之歡昨接疆吏之封章年穰穀賤甫下元辰之恩  
詔民足賦蠲壽宇萬氓憑輿若附循赤子朝家五代



迂蹕亦提抱童孫溯冒茆東國廿年愉情藹若憶執

徐南巡六度愛景依然里記車安臺登春樂月維初

吉三朝過元鳥之分

初五日  
春分

穀乃用成先日卜社公

之雨

初七日  
春社

初程發軔長句排籤

八十干支

天眷錫

二陵風雨

聖恩延何修而遇誠徽幸不息以強勉惕乾

中祀一心期備舉

定例中祀惟即位一親行餘皆遣官載在會典予五十餘年親詣致祭

者屢矣去歲曾諭以歸政前當舉行一週以昭重祭之義今時巡而升秩

武宗展儀

闕里猶此義也

岱宗

闕里例應然書稱二月東巡日禮慶升中庚戌年展敬

自當叩

先鼎撰良遂以發行旃甲辰風景夫何異瞥眼流陰五

載還

自甲辰南巡過泰山祀闕里今又五載矣

是日奉

上諭朕祇謁

兩陵巡幸山東道經畿甸當春行慶首塗所及宜沛恩膏著將直隸經過州縣本年應徵地丁錢糧加恩蠲免十分之三

初十日奉

上諭朕此次東巡所有經過直隸地方各營汛兵丁有派辦差務者俱著查明賞給兩月口糧

十五日奉

上諭朕此次巡幸山東祇謁

關里覃敷愷澤允宜首自近畿著將直隸本年入學名數大學增額五名中學增額四名小學增額三名該學政其悉心校錄甄萃拔優以副朕加惠士林至意

又奉

上諭朕此次巡幸山東經臨畿甸曾諭令該督撫等沿途毋事點綴繁文致滋糜費祇須就向有行在坐落畧事掃除其自濟寧登舟以後水宮額制亦悉其舊

但途中程站較多雖無興建工程而修葺粘補究屬  
不無所費著加恩於長蘆山東運庫內每省各賞給  
銀二萬兩以示體恤

十六日奉

上諭朕此次巡幸山東駐蹕往來經由直隸所有該省  
承辦差務之文武大小各員一體加恩用昭渥澤  
著該督查明咨部凡有罰俸住俸降級之案俱准其  
開復其無此等案件者各加一級

二十日奉

上諭朕仰蒙

昊眷年屆八旬已降旨將各省錢糧普行蠲免茲恭謁  
兩陵巡幸山左鑾輅經臨之處童叟歡迎殷殷愛戴允  
宜廣敷愷澤普惠畿民因念直隸各屬節年因災緩  
徵帶徵錢糧貧民無力完納積欠甚多著再加恩將  
乾隆四十五年至五十三年未完地糧銀一百四十  
二萬八百六十八兩零改折銀二萬一千九百三十

兩零屯糧四萬二千九百八十一石零屯穀七百九十八石零屯米三百十四石零全行豁免俾窮簷得免追呼共安耕鑿用副朕省方觀民行慶施惠有加無已至意該部即遵諭行

是日

駕駐紫泉行宮

賜隨駕王公大臣蒙古王公貝勒額駙台吉及直隸大小官員等食

御製降旨免直隸緩徵積欠並賜大小官員等食

庚戌

東西瞻謁

兩陵週畿輔觀民事豫遊雖值度年陳衆樂却思潦地

切先憂緩徵百萬全教道

新正以朕八旬大慶已降旨將各省錢糧普行蠲免茲恭

謁

兩陵禮藏將幸山左蹕輅經臨童叟歡迎情殷

受戴允宜廣敷愷澤加惠畿民所有直隸各屬節年因灾緩徵帶徵未完地丁銀一百四十二萬餘兩改折銀二萬一千餘兩屯糧四萬二千九百餘石屯穀七百七十餘石屯米三百餘石降旨全行豁免俾窮簷得免

呼呼共安耕鑿用副朕省方觀民行慶施惠至意

欠

賦山東更待諏

山左節年因灾未完錢糧或亦有之俟長麟迎鑾到日詢得實數自應一例豁免



免俾令同賜食門前勞去聲執役眼饑餒者飽餐不  
被渥恩

又奉

上諭上年順天及保定河間天津等府屬及各州縣因  
夏秋雨水較多田禾被淹秋收稍歉節經諭令該督  
實力撫卹銀米兼賑春初正賑畢後又加恩展賑一  
月今朕巡幸山東經行畿輔見田畝均已播種遍野  
青蔥但麥秋為期尚早恐灾歉之餘元氣未能驟復  
自當再需恩施以期並臻康阜著將現在經過及迴

欽定四庫全書

卷七十二

鑾經過之雄縣任邱河間獻縣阜城景州滄州天津  
青縣靜海武清等十一州縣照二月展賑之例再加  
賑一個月該督務督飭所屬實心經理俾閭閻均沾  
愷澤以副朕行慶施惠有加無已之至意

御製經雄縣城南因命加賑有作

庚戌

雄縣城南廿里餘大隄護淀滙波瀾途經一線左右水

堰外平湖高下淤

淀之北隄所以禦水衛民也茲出雄縣城南經二十餘里因去秋霖雨過

多旱路左右潦水尚未全消皆漫淀隄所積不可播種目覩情形實堪心惻

昨潦甚哉傷切

已吾民病矣嘆非魚曰蠲曰賑勤優恤一再加寧帑惜

予

新正以上年順天及保定河間天津等府屬被淹州縣雖已實力撫卹銀米兼賑猶恐今春正賑已畢青

黃不按民食不無拮据已加恩將成災七八分之極貧並九分災之極次貧民俱展賑一個月今蹕途經覽念距麥秋為期尚遠災歎之餘元氣不能驟復仍即降旨將現在及迴鑾經過之雄縣任邱河間獻縣阜城景州滄州天津青縣靜海武清等十一州縣照二月展賑之例再加賑一月庶稍救饑民耳

又奉

上諭朕此次巡幸山東沿途接駕各廢員著將職名交軍機大臣俟迴鑾後會同該部查明緣事各原案

請旨分別辦理

二十一日奉

上諭朕此次巡幸山東迴鑾時自濟寧登舟由水程回京前以三四月間正漕船啣尾北來之時若因迴避御舟停泊不前未免守候稽遲致悞漕運曾降旨傳諭管幹珍等令各幫漕船於御舟經過時暫在岸傍排列因思上年直隸被水災區秋收歉薄全賴東豫二省販運糧食及南來貨物以資接濟所有商民船

隻亦未便因有碍河道驅入港汊令其久候著即照  
漕船之例准其於兩岸暫泊候御舟一過即可過行  
庶使商販流通物價平減以副朕恤商便行之意著  
總河巡撫巡漕御史皆善為經理

御製命截留漕糧三十萬石於北倉以備直隸賑恤之  
用詩以誌事

庚戌

畿南沴勢見經行日日憑輿切切情幸得山東資接濟  
直隸去秋被水淹浸處所正賑已畢疊加展賑尤幸山  
東去歲上稔畿南接壤商販貿遷閭閻毫無菜色然予

欽定四庫全書

卷七十二

軫念民生時切於懷矧連年全漕抵通天庾充盈現在  
糧艘已入直隸境內因復降旨令倉場侍郎蘓凌阿藩  
司熊光熊會同前往截漕三十萬  
石留貯北倉以示多方籌備至意  
更宜天庾撥餘贏應

知此後時猶遠可謂目前價尚平

東作方始距麥秋之時猶遠雖目前糧價

尚平而早為儲蓄以待賑糴之用庶備可以無患耳

備以不虞早為計彊臣善

體惻民生

御製日日六韻

庚戌

日日覲光庶歡呼夾路行視今較昔篤落後繞前迎

每日

鑾輿經過之處黃童白叟夾道跪迎甚至有落後者復  
繞至前途歡呼載道覺愛戴之情更倍往年益予壽躋

八旬康強如昔猶舉時巡令典籍之史冊實所罕聞宜  
乎羣黎瞻覲益深慶幸而予既迎邀吳眷又何敢  
遙荷恩膏是以直隸有疊次展賑之外復免災歉  
銀糧一百四五十萬庶盡代天子民之職耳都為

去聲康寧計不教呵叱驚身衣鮮須撿口食可充盈所見

誠堪幸向隅猶切忤殷殷憑顧處即我寸田情

二十六日奉

上諭朕此次展謁

兩陵巡幸山東所有沿途經過地方著加恩蠲免本年

地丁錢糧十分之三

臣和珅等謹

奏本日接

駕老民共一千八十名臣等遵

旨按照年歲分別擬

賞開單呈

覽奏入俱奉

旨按名賞給

賞年九十一歲之



欽賜光祿寺寺丞趙象觀年八十三歲之

欽賜翰林院檢討李東耀二員大緞各一疋

賞年一百歲以上之周經等二名緞各一疋銀牌各三  
面

賞年八十歲以上之唐萬錦等三百一名銀牌各二面  
賞年七十歲以上之張作興等五百七名銀牌各一面  
二十七日奉

上諭朕年屆八旬數天錫慶業經降旨將各省錢糧通

行蠲免茲巡幸山左鑾輿經蒞之處閭閻童叟夾道  
歡迎具徵愛戴誠恂允宜重加惠澤俾茅簷益沐恩  
膏因思東省各屬節年因灾緩徵銀兩貧民積欠尚  
多若一律徵輸恐民力不無拮据著再加恩將乾隆  
四十九年未完銀三十萬八千三百餘兩五十年未  
完銀六十九萬七千三百餘兩五十一年未完銀七十三  
萬九千一百餘兩全行豁免以期比戶得免催科益  
臻樂利副朕入疆行慶恩施無已之至意該部即遵

# 諭行

御製降旨豁免山東緩徵積欠詩以誌事

庚戌

山左幸逢稔屢年因災之欠在其前

山左自丁未戊申已酉連年以來春

夏雨暘時若冬雪優沾各屬二麥秋禾收成豐稔均獲九分有餘其前此數年間偶有水旱不齊因災緩徵之處現在所有民欠均非近年之項也入疆悉故惠應施去三載緩徵豁以

全此次巡幸山左鑾輿所蒞童叟歡迎倍形愛戴茲入疆伊始允宜普沛恩膏因思各屬從前積欠尚多若

一律徵輸恐民力不無拮据即降旨將四十九五十五十一年未完銀一百七十餘萬兩全行豁免俾閭閻益

臻樂利以副行慶展義之意

足食更加免追呼

去聲

安居可以恣興眠

即看麥隴芄苗綠設雨應收餅餌駢

連日經過地方麥苗芄蔚盈望菁葱

地方官雖稱土脉含潤不至望雨然春澤惟期優渥又為之生望雨之念矣

又奉

上諭此次巡幸山東所有該省辦差各營汛兵丁俱著查明賞給兩月錢糧以昭恩賚

二十八日奉

上諭朕此次巡幸山東辦差兵丁業已渥施愷澤所有青州德州駐防旗兵派有差務者著查明賞給兩月

錢糧用數行慶施惠至意

御製賜山東巡撫長麟

庚戌

山左羣黎一何幸屢綏更值撫臣賢所嘉執敬以無事  
不敢放心於有年須識安民在察吏漫勤扈蹕務增妍  
持盈勗爾休稱泰謙鞏惟予亦勵虔

三月初二日奉

上諭山東省在籍人員於靈巖建設經壇情殷祝嘏劉  
墀王景張誠基李封等著各賞大綬一疋其郎中道

府以下等官二十一員俱著各賞八絲緞一疋

初七日

駕詣

岱廟拈香

御製謁

岱廟瞻禮

庚戌

來因瞻

岱宗

岱廟謁誠恭

予以壽躋八旬世臻安阜恭謁岱宗祭  
闕里用申虔謝以路便先至泰安即恭

詣城中  
廟先行瞻禮

封禪事無我阜安祈為

去聲農代

天數物育福國錫時雍九叩申虔謝八旬實罕逢

是日奉

上諭此次巡幸山東所有山東及各省士子迎鑾獻賦  
特加考試其考取一等之貢生杜壻生員程拱宇俱  
著賞給舉人准其一體會試其考取二等之保升李  
廷芳李堯詢蔣天樞黃旭何塏張興鏞沈清瑞俱著

賞給緞一疋

駕駐泰安府行宮

賜山東巡撫大小官員等食

御製賜食山東諸大小吏成什示意

庚戌

將筐兼賜食無事酌觥紛

凡賜食非有外藩向不用酒

況值行春麗

聊酬執役勤幸逢綏慶

山東庫達稔歲民安自吏治順實可慶幸也

不是

素餐羣既富當言教却思子厚文

嘗謂既富而後可以言教此夫子之訓然

當今之世談何容易若不問其生計而亟亟於教化不  
不有如柳宗元種樹之喻非以愛之實以害之耶





已之至意該部即遵諭行

十二日

駕駐泉林行宮

賜長蘆商人等食

十三日臣和珅等謹

奏查節次

聖駕臨幸曲阜俱

恩賞衍聖公及四氏子孫緞疋銀兩等物謹開單進

呈所有

賞賚各物照向例遣內務府大臣偕禮部堂官於詩禮堂頒給謹

奏

賞衍聖公孔憲培大緞四疋八絲緞四疋銀鼠蟒袍一件銀鼠補褂一件

賞五經博士二十一員每員蟒緞一件

賞四氏子孫有職人員陪祀執事人員七十一員每員

八絲緞一疋

賞四氏子孫舉人三名每名銀六兩

賞四氏子孫貢監生員一百三十一名每名銀三兩

賞禮生樂舞生二百六十四員每名銀五錢

賞孔氏族中老民四百二十七名每名銀五錢重銀牌

一面

賞孔氏佃戶老民一百二十八名每名三錢重銀牌一

面

十四日奉

上諭朕此次巡幸山東祇謁

孔林恩施亶沛業已慶洽羣黎更念齊魯諸生比戶絃歌近依

聖里當此鑾輿臨蒞允宜嘉會膠庠式敷化澤所有山東省本年入學名數大學著增額五名中學增額四名小學增額三名該學政其悉心蒐錄遴拔真才以副朕樂育人材至意

十五日

駕詣闕里

文廟行釋奠禮

載

御製詩並恭  
聖德門

是日

賜衍聖公合族等食

十六日

駕詣

孔林酌酒

御製謁

孔林酌酒

唐戊

一杯

天地境萬載帝王

師奠爵不禁淚得門那有其神著  
吉凶草直楷苑枯枝  
模法同終古奚論賜植時

是日奉

上諭朕此次巡幸山東祇謁

孔林所有蹕路往來山東省承辦差務之文武大小各員宜沛恩施用昭慶澤著該撫查明咨部有罰俸住俸降級之案俱准其捐復其無此等罰俸案件者各

加級

十八日奉

上諭朕此次巡幸山東所有扈從官員人等俱令由陸路行走毋庸乘坐船隻以省船戶等守候之勞現在隨用大小各船為數雖屬無多而水手人等當差出



力亦宜體卹著仍照上屆巡幸山東之例於常值外  
每水手一名日增給銀二分俾得均沾實惠

是日

駕自濟寧州登安福艦

御製登安福艦作

庚戌

奢望古稀望竟酬

岱宗

關里禮躬修

予庚子七月時即顯冀若蒙

天貺壽

躋八袞必當躬詣

岱宗

關里

以申謝

惴兼觀民風雖自矢敬誠然不免為奢望  
茲來竟遂夙衷禮成迴蹕誠非常厚幸也  
康疆八十叨

天貺安福今朝發御舟戒滿鞏謙勉恒志吳江浙海憶  
從頭幸哉到處民親愛博施去聲非難肯靳留

四月初八日

駕駐柳墅行宮

御製至柳墅行宮即事一律  
庚戌

浮橋策馬過河濱河上行宮綠柳循臺館嫌看重去聲修

葺商民豫祝夥排陳

今歲長蘆鹽商等以予八旬大慶  
豫設排當并有樓臺點綴以申祝

惴雖曰商衆設辦然商力豈非民力弗以為喜  
轉增弗憚恃以成事不說惟引為已愧而已  
既成不

說愧於已適可修儀示遠人

適安南阮光平遣謝恩饋使黎伯璫等至天津即令

於道旁馬前瞻觀降旨慰問並於次日宴賚以示優眷

題壁舊辭何太似重霖如

例皺眉頻

是日

賜隨

駕王公大臣及安南國貢使黎伯璫吳為貴等食

御製臨門賜食得句

庚戌

岱高阜曲望符全

今歲八袞壽辰敬謁此予十數年來夙願今仰蒙

岱宗

闡里

昊

既竟克符望禮成旋蹕實深頌慶

信宿津門駐蹕便愁自登舟緣渴雨

予念切幼農每於課雨占晴心殷朝暮雖遊豫未嘗稍間昨自濟寧登安福艦即盼甘霖以滋宿麥而兩旬來

尚未遑渥澤

厭他祝袞闌喧天

自東巡迴蹕至津門衆商等情殷祝嘏點綴陳

正顓渴望

設衛歌巷舞以效幽雅稱觥之誼畿甸繁庶億兆喧闐

鑒衆情之悅豫固所不禁然予方延佇沛霖為民心切

即此臨門食頃翹望雲彩卜度傍徨侍食臣僚奔走執

役之人皆所親見即阡陌農民亦久聞而熟信者耳

扈來百辟應頒賜遣謝陪臣命厠筵

安南陪臣黎伯瑞等昨已瞻覲將自

此遽歸因令綴班與宴俾得仰見上國威儀具以知羣情愛戴今日雖當燕樂心實不憚恐遠人見而生畏命

其能詩者和之足知予憫農憂勤歸國流傳雖遠在陬澨亦當知予愛民之意也

雖聽聲歌心

不憚漫疑臨樂底忤然

初九日

駕仍駐柳墅行宮

賜長蘆商人等食

初十日

駕自天津迴蹕

御製天津起程迴蹕之作

庚戌

東巡藏事沐

天恩

予庚子七旬時天願得邀之并當敬叩

岱宗

開里茲幸東巡藏禮諸事

順成實仰蒙

上蒼恩佑

適日愁心望雨煩祇以陪臣

感激之深不能言喻也

至瞻觀却聽商衆獻鋪敦

商衆等以今歲欣逢大慶巡蒞津門點綴排當歌舞以申

祝悃本非予之所喜因念安南遣謝陪臣黎伯璫適至瞻觀尚有宴賁以示柔遠之意亦遂聽之但適日望雨殷煩尤覺喧闐雜沓之可厭耳

每聞歌管翻嫌鬧乍喜歸帆漸遠喧不

敢如前陳宿願將從子矣笑無言

至乾隆六十年予年八十有五即當歸政

居寧壽宮以就頤養若能仰沐

天眷或躋九袞即精力尚強亦當另行商議故不敢如昔歲之復存眷望

矣

十五日

駕迴蹕至

圓明園

御製迴蹕至御園疊戊申舊作韻

庚戌

春光早送付巡船登陸連朝望雨旋稍幸畿南尺半渥

旋去聲愁京北寸餘傳

十三日之雨畿南各報四五六寸不等惟京城以北祇有寸餘愁仍

未解是以明早即親詣黑龍潭虔禱

慙無調燮安民術惟有徬徨責已

虔明曉

龍潭親詣禱霧沱優賜救農田

臣等欽惟我

皇上本宅衷之勤恁備

福履之康疆五十五年中屢沛

省方之澤茲際

八旬展慶東國言巡民以瞻就為殷吏以奉公為亟徼  
特供頓儲侍不損纖毫之費且自郊圻以達齊魯



胥邀

懋賞滂敷如雨膏之无私一物者然蓋察吏安民行慶  
施惠

御製記謂皆人君本分之為而以臣民私意測之實不  
敢冀幸於分外而無不僥適於分外者維時

賜穀賜金賜秩賜舉賜幣賜食諸典並行而其間優老  
起廢惠遠恤商靡弗優沾

惶澤

臣

等謹編入

恩賚以誌我

皇上宣德布義為從來巡典所無而

多祜之允綏益廣

壽宇彌綸之慶則揚麻頌美豈班固崔駰輩東巡之頌

所能彷彿萬一者與

